

民國拾年四月去甯購自柯城



重刊西安縣志

貳

西安縣志卷五

山川

昔孫綽賦天台序涉海登陸之奇長康論會稽山水
壑千巖之美信安遠控北界古隸西部括蒼南連而
指繞羅剎下洩其尾閭湯湯隆隆野會川沖其山淵
之雄乎其稱最者柯峰靈閣斯標虞喜之篇穀水淪
漪載見酈元之牘烏柏勿鬻岡巒被色鴻陂盡復阡
陌有聲若迺騷人來而躡屐墨客過而濯纓清暉娛
人復得於此受簡著之而仁知之神欣以俱往矣志

山川

崢嶸山

一統志在縣城南隅三國吳遣將軍鄭平以

千人守崢嶸鎮卽此王象之曰昔有柴宏者屯兵于

此後乃譌爲崢嶸

孟郊崢嶸嶺詩疏鑿順高下結構橫煙霞坐嘯郡齋肅玩奇石路斜

古樹

浮綠氣高門結朱華始見崢嶸狀仰止逾可嘉

趙抃

詩主人借問何時還回首崢嶸看不足汪致高

崢嶸

嶺懷古詩驟雨初晴爽氣清扶筇獨自上崢嶸

人家

五色藏姑蔑戰馬千年說鄭平蓮沼香銷紅粉

墜藥

鑪丹冷白雲生低徊背手斜陽路一樹寒蟬斷

續鳴

注柯山紀事崢嶸山下五色人家有紅黃藍陸

白五

姓

龜峰

宏治府志府治在其背西北則綴崢嶸山

舊志龜峰

與崢嶸岡麓相連郡人沿習以爲一山合觀一統志
及舊志皆別爲二山是已但以龜峯爲郡治則又非
也郡治穹然高峻延亘一二里下視通邑如在掌中
鄭平屯戍時郡治未設意必倚險自固其爲崢嶸山
無疑龜峯則自郡治南出西行二百步別起一峯今
爲郡城隍祠是郡治卽鄭平所守宜在崢嶸山而
山卽今所謂城隍山也

爛柯山

杜光庭洞天福地記爛柯山在衢州西安縣

爛柯山志舊名青霞第八洞天爛柯福地又名景華

洞天在縣南二十里高千餘尺周回十五里其址二

百步穿空彌亘下得平處可數十步因名石橋又名

石室今石室在橋之右五里太平寰宇記一名室

山元豐九域志晉樵人王質見石橋下二童子碁

就橋下看之二童子指視質斧柯爛焉水經注東

記云信安縣有縣室坂晉時有民王質伐木至石

中見童子四人彈琴而歌

任昉述異記童子四人碁而歌

質因畱

柯聽之童子以一棗核與質質含之便不復飢餓

童子曰其歸承聲而去斧柯濯然爛盡既歸去家

數十年親情凋落無復向時比矣舊志山下有寺

石橋寺寺門山徑幽寂有虬松數株皆汗餘

戰龍松石橋前有日遲亭後臨深谷山裂

徑寸長十餘丈窺見山外天日名一錢天山頂建塔

登之可望郡城名最高頂舊稱柯山四景

陸庶遊石橋記爛柯

仙躅圖牒詳矣觀夫巨石橫空矯如驚龍翠帆劃圻
際於穹崇南走羣峰北控遐陸不遠人世宛如蓬瀛
得非權輿之初俾宅真仙而幽贊人民脫籠檻於茲
地不然者擾擾塵跡瀟灑靈踪高步遐矚相瞬而致
則樵夫之遇二仙其所以示化與何元造無朕而壺
中之日月可得而窺矣庶牧於是邦迨茲五祀政惟
自守人亦安止乘春多暇爰契心期冥搜信宿機慮
如洗頽然性復於靜靜復於真天地之萬類吾生之
憂樂將不介於胸中矣心境相傳不知吾之遇靈境
與靈境之遇吾與時元和元年三月十八日孟郊爛
柯山詩仙界一日內人間千歲窮雙碁未變局萬物
皆爲空樵客返歸路斧柯爛從風惟餘石橋在猶自
凌丹虹趙湘爛柯山詩仙人與王質相會偶多時落
日千年事空山一局碁樹高明月在風動白雲移未

得酬身計閒
來學採芝

鳳山

舊志在芝溪源距縣北八十里高五里其上極

平曠可治田圃

姚寶燴鳳山詩大地湧一山於物必有似九苞不易見茲巖發其美芝溪

水如龍長鳴不肯已上有太古鳳屢舞欲飛起孤峯
朱冠峩旁岫彩翮比迴翔看不盡突兀天尺咫豐蘿
近蔽目亂葛攀禿指豈知出嶮巖歛若卽田里怪自
平地上忽到平地止穠樾無人種麋鹿空掉尾坐歎
世上腴吞奪一何駛嗟
我窮婦子何不來舉趾

葉蓬山

宏治府志距城五十里名勝志宋咸平初有

廬杜二禪師至此里人李昂畱之日使人問其所欲

五年不懈偶失問三日則皆踞鉏冥目相對而逝

鹿鳴山

府志城西一田爲鹿鳴山山有項王廟

秀潔修竹蒼松爲郡人游宴之所舊志望城中知

煙火如列几案有泉清冽

從山麓石罅流出有人爭

汲取之明太守瞿溥趙姬葬其麓有碑記

徐應秋

宴集詩

西風激宕一城秋與客題襟上此樓柏葉遠

空翻舞蝶布帆斜日

亂輕鷗揮杯繞坐霞生頰落帽

高歌雪滿頭不負青

山真我輩相呼得食鹿呦呦朱

彝尊鹿鳴山晚眺詩

一簣山平遠雙林逕暗通不愁

筋力倦且喜笑言同

藉草荒岡上疏泉碎石中新晴

尤可戀移席憤王宮

又近郭茲山好禪扉鎮日局江

光寒轉白峯色遠逾

青亟種千松樹宜添一草亭他

時放歸棹歌鳥試重

聽朱垞次韻龔春帆孝廉趙姬

墓詩美人黃土總無

聊不許閑人拾翠翹門外青山

空鬢影岸邊芳草尚

裙腰蝶衣拍盡歌全歇鵲血啼

殘恨未銷莫似西陵松
柏路誤將蘇小間南朝

名勝志

與烏巨相連者曰王貴山貴乃質之

王榮紉王貴山三
聞琴旣度世吹簫

遂接迹奇哉一朽柯棣華貫仙籍九鯉飛上天三茹
拔去宅神仙夥同氣姓字人或失石橋仆碑像過者

昧王質我我王貴
峯樵子盡知得

舊通志

在臨江鄉去郡城三十里

舊通志

在縣東南一百里元豐九域志朱買

臣云東越王居保泉山一人守險萬人不得上是也

典云衢

信安縣南建安郡北有山名泉山

卽此山

九龍山

舊志在靖安鄉去城二十里嘉靖府志定陽

溪環其趾

張濬九龍山詩犖确千盤路不平川原歷歷遠煙明九龍飛去無消息但聽雙溪瀨

聲瀨

烏石山

宏治府志在湖山東距縣四十里巨石周匝

若城上有石門中蓄水田歲未嘗旱名勝志山延袤

十里高二百五十仞巨石周匝如城上有石門相傳

邑人避黃巢所設故亦號寨門中有水田歲未嘗旱

唐龍紀初通濟大師結茅於此名福應院

舊志宋岳飛題名於

石云宋將岳飛奉旨赴闕復如江右假宿幽巖遊上方覽山川之勝志期爲國速欲掃平黠黨恢復輿圖迎二聖於沙漠輔聖主無疆之休因結緣佛寺以紀歲月紹興二年十月初三日題張浚題云紹興丙寅清河張浚過此聽顏師鼓琴而去按龍游亦有烏石山山亦有寺在縣北壽昌縣界今龍游遂以張岳二公題名載入縣志謂岳王題于木桌後桌爲好事者取去今觀翁君洮卽宋人也其詩則昭然曰題石矣得毋龍游好事者臨摹其題于木桌而攜之以歸者耶曹能始先生博學著名尤精考訂其所輯名勝志以題名及翁君詩皆入西安志而龍游志又別有劉光世題及姜堯章詩並不及張岳二公題是劉姜題詩當在龍游而二公所題固在西安也

響谷山

名勝志在縣南三十二里崖壁峭立水環其

崖半有穴風嘯則鳴

霍灝登響谷山詩久矣不登高老無濟勝具得此奇絕處

兩腳那肯住始從客問蹊忽與鳥爭路
黑水下無地雲來如跳呼風實與吞吐
不死幾一遇響谷似太息新者日以故
躋險終奈何緩策下山步

塘臺山

嘉靖府志一名塘山高可數里上有後漢

乘寺寺有池深不可測中有石巖魚絕大

趙抃題

詩唐臺壓郡東北陞勢旋力轉奔而馳偉哉造物
其尸一山中起高嵒巍羣峯環輔拱以立背面肘
相倚毘怪石差差少媚色長松落落無邪姿巖隈有
路數百仞直登不悔形神疲中間軒豁浮圖舍棟宇
綵錯金碧輝寒泉一畝清可鑑優游鱸鮑揚鱗鬣
閒鳥暇兩呼笑老僧矍鑠趨且嬉天風烈烈骨毛
更云六月無炎曦攀緣絕頂下四顧溪山百里如掌
窺我思宜有隱君子放心不與時安危巢由之行已
高世白雲臥此逃堯媯又已未歲十月七日登
山偶成詩直到巢峯最上頭旋摩崖石看詩畱重

轉覺寒松老三十六年前舊游陳一夔
詩羣山破碎真可怪卻似春田犁下塊

余將山

府志在縣西二十二里相傳黃巢亂時邑人

余姓者將兵屯此故名

姚寶燿余將山懷古詩廣明
兆大亂果頭賊如蟻煙塵盡

仙霞鑿道七百里累卵危太未掬指爭穀水有險不
得憑無人嗟就燬桓桓余將軍誓衆與保死治山作
鐵壁穿不過寸矢黃獸空吼怒白骨盡撐起遂令金
統涸得基錢鏐美古昔有攻戰一夫實可倚五子守
崢嶸其事已如此

疊石山

宏治府志在縣南四十里名勝志中有巖洞

名曰仙游可坐十客周召受書堂稿石如餅稍厚二

疊十餘規踞山頂及腹纍纍相望

徐霖疊石山詩疊
石捎雲起真如

一支叱來形其白鞭處血流脂蟲蝕川宜
鼓苔封漢武碑精靈難久閱頻產五光芝

爵豆山 嘉靖通志在縣南七十五里 一統志山出銀

礦唐元和四年閉塞五代錢氏時復開仍閉

鷄鳴山 舊志在縣東十五里定陽溪流其下一名東

溪出處州遂昌之周公源山皆顏色四面陡削水勢

觸擊川途頗險上有塔名鷄鳴塔 周孫著鷄鳴山夜泊詩數峯迴抱水

泠泠暑氣纔消酒半醒幾縷晚煙歸浦樹 一彎新月照江亭鄉城病亦開篷望村吠眠猶隔岸聽夜向鷄

鳴山下泊荻花如雪滿前汀

鵝籠山 名勝志在縣東五十里一名繡峯上有三塢

一池皆稱奧區

按鵝籠山俗又名甌山陳聖澤甌山詩云一柱干雲上高高不可攀孤根拔萬壑倒影蔽千山積氣虛無外仙靈杳靄間胡麻曾熟否分我駐紅顏

烏巨山

方輿勝覽在縣東三十五里林木蒼蔚乃信

安精藍第一山

陳聖洛登烏巨山絕頂詩我來時與鳥爭道濟勝具強頗及馬又忽驚天

低髮可埽不知身已出塵表下方雷雨方瀾漫僧邊紅日獨杲杲

紫微山

宏治府志在縣東五十里名勝志一名迷茨

中有懸崖滴水東陽記云峯巒際天邈絕羣峰者也

屹石山

宏治府志在縣西二十里平地撐拔五峰環

以溪石

翠微山

崇禎府志在仙巖秀峯之間高十餘里

范瑀登翠

微山詩鬱鬱與天極仰矚惟青煙迢迢自地上灑面飛紅泉冥鴻有遺構戲鹿多閒田曠宕欣永托

知何年

金雞山

宏治府志在縣北百里高可五里上有平坡

昔有樵者於山得石如雞剖之有金因名

巖山

名勝志在城西十里四面壁立絕頂平曠約數

十畝中有石井冬夏不竭

項山

名勝志在縣北四十里最爲斗峻內有桐山旁

列諸峯勢如奔馬項羽廟在焉有賀蘭進明碑申甫項山

懷古詩赤蛇終伏雨如傾簫鼓崇山廟一楹剝破苔花求頌石銀鈎空弔賀蘭誠

白雲山

舊志在城西十五里上有白雲菴孤峯峭削

下瞰平疇幽寂明秀上鑿崖石爲池養魚半山有泉

瑩燭鬚眉四時不涸

鄭光瑗白雲山詩滿身嵐翠溼霑衣遠樹陰濃百草菲清福全

輸與老衲朝朝枕石待雲歸

錦山

舊志在縣北四十五里其石如錦故名

五指山

舊志在縣北三十里其形如指玲瓏嵌空山

勢奇矯

胡曾五指山詩巨斧何年劈中穿忽蜿蜒空雙疊磨鼻首一痕天鐵巷摩肩後雲隈蹙